

REGIONAL NEWS UNIT
ALL INDIA RADIO, AGARTALA

Date: 10-05-2025

Time: 07:52-07:59 PM Hrs
BENGALI EVENING BULLETIN

Headlines :

- (১) ভারত ও পাকিস্তান তাৎক্ষণিকভাবে গুলিবর্ষণ ও সামরিক পদক্ষেপ বন্ধ রাখতে সম্মত হয়েছে ।
- (২) মুখ্যমন্ত্রী অধ্যাপক ডা: মানিক সাহা চক্ষু চিকিৎসা শিবির আয়োজন করার উপর গুরুত্ব আরোপ করেছেন ।
- (৩) প্রাক্তন বিধায়ক বুর্ মোহন ত্রিপুরা আজ শেষ নিঃশ্বাস ত্যাগ করেছেন ।
- (৪) ত্রিপুরা ক্রিকেট এসোসিয়েশন পরিচালিত মহিলাদের ঘরোয়া টি-২০ সিনিয়র ক্রিকেট প্রতিযোগিতার ফাইনালে ব্লাডমাউথ ক্লাব খেলবে তরুণ সংঘ কোচিং সেন্টারের বিরুদ্ধে ।

Cesase fire :

ভারত ও পাকিস্তান তাৎক্ষণিকভাবে গুলিবর্ষণ ও সামরিক পদক্ষেপ বন্ধ রাখতে সম্মত হয়েছে। নতুনদিল্লিতে এই বিষয়ে ঘোষণা করেন বিদেশ সচিব বিক্রম মিস্রি। তিনি বলেন, পাকিস্তানের সামরিক অভিযানের মহানির্দেশক আজ বিকেলে যুদ্ধবিরতির আহ্বান জানান, এরপর আলোচনা হয় এবং একটি সমঝোতা হয়। বিদেশ মন্ত্রক স্পষ্ট করে জানিয়েছে যে, গুলিবর্ষণ ও সামরিক পদক্ষেপ বন্ধের বিষয়ে দুই দেশের মধ্যে সরাসরি সিদ্ধান্ত নেওয়া হয়েছে।

#####Byte- Vikram Misri#####

এদিকে, ভারত সিদ্ধান্ত নিয়েছে যে ভবিষ্যতের যেকোনো সন্ত্রাসী কর্মকাণ্ড তাদের বিরুদ্ধে যুদ্ধের মতো কাজ হিসেবে বিবেচিত হবে এবং নতুনদিল্লি সেই অনুযায়ী প্রতিক্রিয়া জানাবে।

বিদেশমন্ত্রী ডঃ এস. জয়শঙ্কর আজ সামাজিক মাধ্যমে ভারত ও পাকিস্তানের সামরিক পদক্ষেপ বন্ধ করার চুক্তির কথা উল্লেখ করে বলেছেন যে, ভারত সর্বদা সকল ধরনের সন্ত্রাসবাদের বিরুদ্ধে দৃঢ় এবং আপসহীন অবস্থান বজায় রেখেছে। তিনি বলেন ভারত এই অবস্থান বজায় রাখবে।

Operation Sindoor :

সেনাবাহিনীর কর্নেল সুফিয়া কুরেশি আজ নতুনদিল্লিতে সংবাদমাধ্যমকে বলেন, ভারতের বিরুদ্ধে উস্কানিমূলক পদক্ষেপের পর পাকিস্তান ব্যাপক ক্ষতির সম্মুখীন হয়েছে, কারণ নতুনদিল্লি তাদের অপারেশন সিন্দুরের মাধ্যমে ইসলামাবাদের আক্রমণাত্মক এবং প্রতিরক্ষামূলক ক্ষমতা ভেঙে দিয়েছে। তিনি বলেন, ভারতের অভিযানগুলি কেবলমাত্র ভারতবিরোধী কার্যকলাপের জন্য ব্যবহৃত সন্ত্রাসী শিবির এবং সুযোগ-সুবিধাগুলির উপর লক্ষ্য করে পরিচালিত হয়েছে। তিনি আরও বলেন যে ভারতীয় সশস্ত্র বাহিনী কোনও ধর্মীয় স্থানকে লক্ষ্য করেনি। তিনি বলেন যে পাকিস্তান দাবি করেছে যে তারা তাদের JF-17 দিয়ে ভারতের S-400 এবং BrahMos ক্ষেপণাস্ত্র ঘাঁটি ক্ষতিগ্রস্ত করেছে, যা সম্পূর্ণ ভুল। তিনি আরও বলেন যে এটিও ভুল তথ্য যে সিরসা, জম্মু, পাঠানকোট, ভাটিন্ডা, নালিয়া এবং ভূজে ভারতের বিমানঘাঁটি ক্ষতিগ্রস্ত হয়েছে। তিনি বলেন যে ভারত একটি ধর্মনিরপেক্ষ জাতি এবং এর সেনাবাহিনী সাংবিধানিক মূল্যবোধের একটি খুব সুন্দর প্রতিফলন।

উইং কমান্ডার ব্যোমিকা সিং বলেন, পাকিস্তান মিথ্যা অভিযোগ করেছে যে ভারতীয় সেনাবাহিনী মসজিদ ক্ষতিগ্রস্ত করেছে।

CM :

মুখ্যমন্ত্রী অধ্যাপক ডা: মানিক সাহা আজ আগরতলার শান্তিপাড়ার প্রবীণ নাগরিক সংঘ এবং অশ্বিনী নেত্রালয়ের যৌথ উদ্যোগে বিবেকানন্দ আবাসনে বিনামূল্যে এক চক্ষু চিকিৎসা শিবিরের উদ্বোধন করেন। তিনি স্বাস্থ্য শিবিরের পাশাপাশি চক্ষু চিকিৎসা শিবির করার উপর গুরুত্ব আরোপ করেন। অনুষ্ঠানের পর মুখ্যমন্ত্রী সাংবাদিকদের বলেন ভারত পাকিস্তান যুদ্ধের আবহে বাংলাদেশ আন্তর্জাতিক সীমান্তে নজরদারি আরো জোরদার করা হয়েছে। তিনি বলেন বর্তমান পরিস্থিতিতে কেন্দ্রীয় সরকারের দেখানো রাস্তায় চলেছে রাজ্য সরকার। তিনি জানান ত্রিপুরায় এখন পর্যন্ত কোনো সমস্যা দেখা যায়নি। তারপরও নিরাপত্তা এজেন্সিগুলির সাথে বৈঠকে ভারত বাংলা সীমান্তে নজরদারি আরো জোরদার করার নির্দেশ দিয়েছেন বলেও জানান তিনি।

Death :

প্রাক্তন বিধায়ক বুর্ভ মোহন ত্রিপুরা আজ সকাল ৭টা ২১ মিনিটে অটল বিহারী বাজপেয়ি ক্যান্সার হাসপাতালে শেষ নিঃশ্বাস ত্যাগ করেন তিনি। মৃত্যুকালে তাঁর বয়স হয়েছিল ৭৯ বছর। মৃত্যুকালে তিনি স্ত্রী, তিন পুত্র ও এক কন্যাকে রেখে গেছেন। দীর্ঘদিন ধরেই তিনি দুরারোগ্য ক্যান্সারে ভুগছিলেন।

করবুক কেন্দ্র থেকে ২০১৮ সালে বিজেপি দলের হয়ে জয়ী হন বুর্ভ মোহন ত্রিপুরা। পরে ২০২৩ সালে বিধানসভা নির্বাচনের এক বছর আগে বিজেপি দল ত্যাগ করে তিপ্রা মথা দলে যোগ দিয়েছিলেন তিনি।

আজ দুপুরে তাঁর মরদেহ বিধানসভা প্রাঙ্গণে নিয়ে আসা হলে সেখানে প্রয়াতের প্রতি শ্রদ্ধা নিবেদন করেন, খাদ্যমন্ত্রী সুশান্ত চৌধুরী, প্রতিমন্ত্রী বৃষকেতু দেববর্মা, বিধায়ক সুদীপ রায় বর্মণ, মেয়র দীপক মজুমদার, বিধায়ক পল দাংশু, বিধায়িকা স্বপ্না দেববর্মা, বিধায়ক ফিলিপ কুমার রিয়াং সহ অন্যান্যরা।

মুখ্যমন্ত্রী অধ্যাপক ডাঃ মানিক সাহা বুর্ভ মোহন ত্ৰিপুৰাৰ প্ৰয়াণে শোক প্ৰকাশ কৰেছেন। এক শোকবাৰ্তায় মুখ্যমন্ত্রী বিদেহী আত্মাৰ সদগতি কামনা কৰেছেন এবং শোকসন্তপ্ত পৰিবাৰেৰ প্ৰতি সমবেদনা জানিয়েছেন। তাছাড়া বুৰ্ভ মোহন ত্ৰিপুৰাৰ প্ৰয়াণে শোক প্ৰকাশ কৰেছেন বিদ্যুৎমন্ত্ৰী ৰতনলাল নাথ।

Mayor-Health Camp :

আগৰতলা পুৰ নিগমেৰ মেয়ৰ দীপক মজুমদাৰ আজ আগৰতলাৰ ধলেশ্বৰস্থিত ৰামকৃষ্ণ মঠেৰ সহযোগিতায় ও কৰ্পোৰেটৰ নিতু দে গুহেৰ উদ্যোগে ৰামনগৰ বিধানসভা কেন্দ্ৰেৰ ৰাজনগৰ উচ্চ বিদ্যালয়ে স্বাস্থ্য শিবিৰেৰ উদ্বোধন কৰেন। শিবিৰে উপস্থিত ছিলেন ধলেশ্বৰ ৰামকৃষ্ণ মিশনেৰ মহাৰাজ শালুনুন্দ মহাৰাজ, কৰ্পোৰেটৰ তুযাৰ কান্তি ভট্টাচাৰ্য, মনোজ কান্তি দেবৰায়, বিদ্যালয়েৰ প্ৰধান শিক্ষিকা শুক্লা দামপাল সহ অন্যান্য বিশিষ্ট জনেৰা। শ্ৰী মজুমদাৰ বলেন স্বাস্থ্য শিবিৰগুলি দৰিদ্ৰ মানুষেৰ তাৎক্ষণিক স্বাস্থ্যসেবাৰ প্ৰয়োজনীয়তা পূৰণ কৰে। শিবিৰে আজ ৫০ জনেৰ মতো চিকিৎসা পৰিষেবা গ্ৰহণ কৰেন।

Rally :

পাকিস্তান মদতপুষ্ট উগ্ৰবাদীদেৰ দ্বাৰা পেহেলগাম হামলাৰ প্ৰতিবাদে আজ আগৰতলায় এক বিক্ষোভ মিছিল ও সমাবেশ কৰে ৰাষ্ট্ৰীয় সনাতনী সেবা সংঘ। এতে অংশ নেন বিধানসভাৰ উপাধ্যক্ষ ৰামপ্ৰসাদ পাল। তিনি বলেন, সনাতনীৰা সকল ধৰ্মকে শ্ৰদ্ধা কৰে। কিন্তু দীৰ্ঘকাল ধৰে সনাতনীদেৰ উপৰ আক্ৰমণ চলছে। এই হামলা সহ্য কৰা হৰে না। আজ ৰবীন্দ্ৰ শতবাৰ্ষিকী ভবনেৰ সামনে থেকে এই মিছিল শুরু হয়। মিছিলে হিন্দু সনাতনী সাধু সন্ত, সন্যাসীৰা অংশ নেন।

Update Akashvani :

এখবর শুনছেন, আকাশবাণী আগরতলা কেন্দ্র থেকে।

আকাশবাণীর সংবাদের আপডেট পেতে লগ ইন করুন - ডব্লিউ. ডব্লিউ. ডব্লিউ ডট নিউজ অন এ আই আর ডট কম এবং নিউজ অন এ-আই-আর অ্যাপ, এবং টুইটার ও ফেসবুক প্লাটফর্মে-এ এ-আই-আর-নিউজ-এলার্টস-এ। ইউ-টিউব-এ লক্ষ্য করুন নিউজ-অন-এআইআর-অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন টুইটার বা এক্স হ্যান্ডলে আকাশবাণী নিউজ আগরতলা / ফেসবুকে এ-আই-আর নিউজ আগরতলা এবং ইউ টিউবে আকাশবাণী নিউজ আগরতলা।

BJP Meeting :

প্রদেশ বিজেপি সভাপতি রাজীব ভট্টাচার্যের পৌরোহিত্যে আজ দলের সদর কার্যালয়ে সকল মোর্চা সভাপতি এবং প্রদেশ পদাধিকারীগণদের নিয়ে এক গুরুত্বপূর্ণ সাংগঠনিক বৈঠক অনুষ্ঠিত হয়। বৈঠকে আগামী দিনের বিভিন্ন সাংগঠনিক কার্যক্রম সহ বিভিন্ন বিষয় নিয়ে আলোচনা করা হয়। শ্রী ভট্টাচার্য বলেন বৈঠকে রাজ্যে দলকে কিভাবে আরো শক্তিশালী করা যায় তার উপর আলোকপাত করা হয়।

Health Camp :

আর্ট অফ লিভিং আগরতলা চাপ্টারের উদ্যোগে আজ উষাবাজার রামকৃষ্ণ সেবাপ্রমে বিনামূল্যে স্বাস্থ্য শিবিরের আয়োজন করা হয়। শিবিরে শতাধিক লোকজনদের বিভিন্ন রোগের চিকিৎসা পরিষেবা প্রদান করে বিনামূল্যে

ওষুধ বিতরণ করা হয় বলে জানিয়েছেন আর্ট অফ লিভিং এর আগরতলা চাপ্টারের পক্ষে সুমিত দাশগুপ্ত ও রামকৃষ্ণ সেবাপ্রমের সম্পাদক শংকর গুপ্ত।

Mayor NSS Camp :

আগরতলার পুর মেয়র দীপক মজুমদার আজ রাজধানীর বিজয় কুমার স্কুলে সাত দিন ব্যাপী এনএসএস এর বিশেষ শিবিরের উদ্বোধন করেছেন। তিনি বলেন ধরনের শিবির ছাত্রছাত্রীদের সামাজিক ও মানসিক বিকাশ ঘটাতে অগ্রনী ভূমিকা পালন করে।

Women's Cricket :

ত্রিপুরা ক্রিকেট এসোসিয়েশন পরিচালিত মহিলাদের ঘরোয়া টি-২০ সিনিয়র ক্রিকেট প্রতিযোগিতার ফাইনালে ব্লাডমাউথ ক্লাব খেলবে তরুণ সংঘ কোচিং সেন্টারের বিরুদ্ধে। আগামী ১২ই মে ফাইনাল খেলাটি হবে। এম বি বি স্টেডিয়ামে আজ আসরের দুটি সেমিফাইনাল অনুষ্ঠিত হয়। প্রথম সেমিফাইনালে ব্লাডমাউথ ক্লাব ৫৩ রানে মৌচাক ক্লাবকে পরাজিত করে। পরে একই মাঠে দ্বিতীয় সেমিফাইনালে তরুণ সংঘ কোচিং সেন্টার ১২ রানে এগিয়ে চলে সংঘকে হারিয়ে দেয়।

Weather :

আগামী ২৪ ঘন্টায় রাজ্যের সব জেলায় গরম এবং বাতাসে আর্দ্রতা থাকার সতর্কতা জারি করেছে আবহাওয়া দপ্তর। এছাড়া রাজ্যের খোয়াই, পশ্চিম, সিপাহীজলা, গোমতী এবং দক্ষিণ জেলায় বিক্ষিপ্তভাবে বজ্রবিদ্যুৎ সহ বৃষ্টিপাতের ও সতর্কতা জারি করা হয়েছে। আজ দিনের সর্বোচ্চ তাপমাত্রা ছিল ৩৮ দশমিক ৫ ডিগ্রি সেলসিয়াস এবং সর্বনিম্ন ২৮ দশমিক ২ ডিগ্রি

সেলসিয়াস। আগামীকাল সর্বোচ্চ তাপমাত্রা ৩৭ ডিগ্রি সেলসিয়াস এবং
সর্বনিম্ন ২৫ ডিগ্রি সেলসিয়াসের কাছাকাছি থাকতে পারে।
